

皇明從信錄

皇明從信錄卷之五

東莞 陳 建輯

秀水沈國元訂

庚戌

洪武三年

正月追封外王父爲揚王立廟京師上親祭之

王姓陳維揚人未詳其諱宋季隸籍軍伍從張世傑扈從祥興帝駐南海至元已加春世傑戰敗士卒多溺死王幸脫將絕同行者計烹燔體山死馬王疲極輒畫仆地睡夢一白衣謂曰汝世勿食馬肉今夜有舟來載也俄又夢如初至夜將半夢中恍惚聞櫓聲有衣紫衣者以杖觸王曰舟至矣王驚寤身忽在舟中見舊所事統領官時統領已降於元元將畏舟壓凡附舟者悉弃水中統領憐王亟藏之舟板下日取饌漿從板隙投之食居數日忽颶風撼舟元將大恐求至統領知王獲遂白而出之王仰天叩齒若拈擇見神狀風濤頓息元將喜飲食之至通州送之登岸王歸淮揚居盱眙津里鎮王生二女長適季氏次即皇太后晚以季氏長子

宋濂曰王之平生不可知即此神天之祐則其積德之

深厚可想矣是宜慶鍾聖女誕育皇上以啓大明

億萬年無疆之基嗚呼休哉

議出師征沙漠命大將軍徐達率諸將由陝西出征王保保李文忠爲征虜左副將軍同趙庸出北平攻元上都○禮部奏定朝日夕月禮稽古者朝日壇宜築于城東門外高八尺夕月壇宜築于城西門外高六尺朝日以春分日夕月以秋分日星辰則祔祭于月壇從之○遣使往安南高麗占城祀其國山川仍命各國圖其山川及摹錄其碑碣圖籍付使者還○吏部奏凡庶官有罪被黜者宜除廣

漢北之師
未似漢書
之版未一
變局獨見

東脩崖等處。上曰前代脩崖在化外以處罪人朕今天
下一家何乃爲此若其風俗未淳更宜擇良吏以化導之。
豈宜以有罪人居耶。○命制四方平定中。

二月北平守禦華雲龍攻下雲川獲元平章大兒忽答右
丞相哈海等。○大同守禦金朝興取東勝州獲平章荆麟
等十八人。○上行後苑見巢鵲翼哺之勞曰禽鳥且爾况
人母子之恩乎。今羣臣有親老者許歸養。○追封故元帥
郭子興爲滁陽王立廟滁州命有司致祭。

三月詔再免山東河南北平三省及應天太平鎮江寧國
廣德滁和郡年稅糧其徽州池州廬州金華廣信嚴州衢

其視晏中
之朝居度
無節加賦
則已何如

附蕙州饒州等九郡以次歸附供給亦為煩勞今年糧稅亦與俱免

鄭州知州蘇琦言時宜三事一屯田積粟以備邊需一選殷肱重臣以分鎮要害一招抹耕種以實中原命中書參酌行之○諸郡富民入見諭以循分守法孝敬和睦周給遜順之道賜酒食而遣之

薛應旂曰周禮荒政十有二一曰安富孟子曰有恒產者有恒心我祖所以加意于富民而我戶人才亦擇而官之也若為富不仁者則國別有所處矣後之為政者右富左貧固為不肖其有過矯者則天不問善惡惟於富者則推折之惡非先王安富意也

湖廣慈利土酋羅屋連結諸洞蠻為亂命楊璟帥兵討之

勅諭璟曰蠻賊恃山溪險阻出沒無常若誅其黨必深入山谷損傷士馬所得不足償所費擊之使遠去不令出掇州縣可也不必窮其巢穴璟進兵賊衆敗走乘勝追至其寨山勢險峻三面陡絕下俯江水一而僅有路纔通一人官軍不能上覃崖乃遣人詐降璟使部下黃永謙往報爲屋所執盡知我虛實拒守璟欲爲持守計來請軍餉上遣使讓之限以日月平城璟懼督諸將士力攻之賊遁入溪洞官軍乃還○大同守將汪興祖克武州朔州獲元知院馬廣等六百人

西曆歲對建諸王告太廟禮成宴羣臣於奉天門及文華

殿曰先王封建上衛國家下安生民周行之而久遠
養○腐○之○而○速○亡○漢○晉○以○下○莫○不○背○然○其○間○治○亂○不○齊○特○願
施○爲○何○如○耳○封○諸○王○詔○曰○朕○聞○古○昔○皇○帝○之○子○居○嫡○長○者○
必○正○儲○位○其○衆○子○當○封○以○土○爵○分○茅○胙○土○以○名○其○國○朕○今○
有○子○十○人○即○位○之○初○已○立○長○子○標○爲○皇○太○子○諸○子○之○封○本○
待○報○賞○功○臣○之○後○然○尊○卑○之○分○所○宜○早○定○乃○以○四○月○初○七○
日○封○第○二○子○榑○爲○秦○王○第○三○子○榑○爲○晉○王○第○四○子○楝○爲○燕○
王○第○五○子○楝○爲○周○王○第○六○子○楝○爲○楚○王○第○七○子○楝○爲○齊○王○
第○八○子○梓○爲○潭○王○第○九○子○杞○爲○魯○王○第○十○子○恆○爲○蜀○王○侄○
孫○守○謙○爲○靖○江○王○皆○授○以○冊○寶○設○置○相○傳○官○屬○○以○危○素○

為弘文館學士未幾謫居和州

素撫川金谿人字大朴與同邑黃暉字殷少少同學元至正末素累官至翰林學士承旨暉為待制徐達下燕京下令元臣咸輸告身素與暉約死于難暉從人張午勸暉勿死暉不從竟投居賢坊井中死素走所居報恩寺亦欲投井寺僧大怖挽出之謂曰國史非公莫知公死是亡國史也達乃以素歸上雅聞素名仍命為學士一日上御東閣問坐素至履聲素素微簾內詔問為誰對曰老臣危素上曰是爾耶朕將謂文天祥耳素惶懼頓首泣涕去上曰素元朝老臣何不赴和州看守余闕廟去遂有是謫上初用素雖以文學備顧問心實薄其為人至是既忤旨責令守闕廟以愧之素至和踰年憂懼而死

按一統志有蔡子英者河南永寧人元末舉進士累遷顯官元兵敗子英車騎走關中入南山大軍圍形求之械送京師釋之授以官不受退而上書大畧謂臣之事君猶女之適人一女之醮終身不改事君之道一食其

禍終身不貳朝廷重之命館於儀曹日夜大哭不為人問其故子英曰思舊君耳上知其志不可奪遂之

厄素之謫
此謂子英
之可也

自明名
禁之失
其
笑堪死矣

詔開科取士。定科舉格。初場各經義一道。四書義一道。三
場論一道。詔誥表箋。內科一道。三場策一道。中式者。後十
日以騎射書算歷五事試之。○改濠州爲中立府。定爲中
都。築新城。在臨濠舊城西二十里。城內營皇城。宮殿。宣郊
廟社稷。置文武公署。一如京師。以羣臣言臨濠帝鄉。可建
都也。○禁蒙古色目人更移姓氏。○遣使賫書與元主曰。
前者兩致書于君。而使者久不還。豈君尚以往昔君民之
分。謂不當相與通問邪。是大不然。君者天下之義主。何常
之有。顧人心天命何如耳。今日之事。非予所欲。實以四方

兵爭所在紛擾斯民無主不得已而提兵一起薄海歸心
此誠天命非人力也君其奉天順人遣使通好庶幾藉我
之盛強號令其部落其至尚得收養於近塞以奉宗祀若計不
出此猶欲以殘兵出沒爲邊民患則予大舉六師深入沙
漠君將悔之無及矣近北平守將以雲中所獲爾平章火
兒忽荅右丞哈海等八人至京詢之皆君倚任之人是用
待以不死再令齋書詣前惟君其審圖之○安南使臣赴
舜欽以其王陳日桂卒來告哀請命上素服御西苑之
幄殿召舜欽入見親製祭文命翰林編修王康往祭既至
其禮者陪臣出迎于郊議授受之禮往返數四不決康頓

殿前廉南面布宣之其君臣拜伏以聽成禮而還○元修
華四大王寇武州桂與指揮鄭亨追至龍尾莊獲其
大王脫忽的帖木兒送京○徐達大破王保保兵于定西
古城獲王公百餘人降衆八萬斬首二千級獲輜重駝馬
不可勝計王保保絕塞而遁是役也都督孫興祖力戰死
於五郎口右丞胡德濟失利大將軍執其部下千百戶十
餘人皆斬之械德濟送京師上念其舊勞特命宥之仍
遣使諭達曰胡德濟臨事畏縮將軍不以軍法從事乃械
送京師請朝廷治之將軍欲效衛青不斬蘇建獨不開獲

大公至正
之極

直之待莊賈乎。軍中有犯悉歸之朝廷。則將軍之威玩而
號令不行矣。胡右丞之失律。正當就軍中戮之。足以警策。
所謂關外之事。將軍制之。若送至朝廷。朝廷必議其功過。
又非關外之比矣。彼嘗有救信州之功。守諸暨之勞。故不
忍加誅。恩將軍緣此緩其軍法。是用遣使即軍中諭意。自
今務威克厥愛。毋事姑息。孫興祖事聞。上甚悼之。遂封
燕山侯。塑像祀于功臣廟。

劉基嘗言于上曰。臨淮雖帝鄉。然非建都之地。王保
雖可取。然未易輕敵也。至是孫興祖胡德濟師失和。王
保保走沙漠。不知所終。鳳陽雖
營爲中樞。而卒不居。皆如基言。

秦文忠等師出野狐嶺。降其守將。至察罕。腹兒擒其平
皇明從信錄 卷五

視其大白海之子駱

也元太尉蠻子平章沙不江

只八刺等拒戰敗之遣埃紅羅山楊思祖等一萬餘人請
降遂進次開平獲元平章上都罕等知元君于本月廿八
日以疾殂于應昌府文忠等進襲應昌克之獲元君之嫡
孫買的里八刺及后妃諸王并寶玉金寶玉冊大圭玉鎮
圭玉罕玉斧元太子愛猷識聖達臘僅脫身遁追之不及
過中興擒元將江唐國公降其衆三萬七千又至苦脫孫
追太尉蠻子軍擒元平章伯答兒獲馬駝無算窮庭遂空

是役也指揮孫虎戰死洛
馬河事聞追封樂安郡伯

五月徐達遣鄧愈招諭土蕃自將取慶元○徐達等定西

湖原徽商
之思與

此樂習至
今不能盡
單何耶

旋師乘勝取鳳州生擒李參政等二十餘人遣友德爲先鋒自秦州南出一百八渡克畧陽擒元平章蔡琳送入汴州又令指揮金興旺張龍分領一軍由鳳翔入連雲棧攻取漢中守將劉思忠知院劉慶祚以城降留龍興旺鎮守達還軍西安○詔給存恤之祿

國初所設都先鋒各異大元帥都尉陣亡物故無子孫承襲者其父母及妻給祿養之無俾失所

令天下郡縣設義塚禁止江西等火葬水葬凡民貧無地以葬者所在官司擇近城寬濶地立爲義塚敢有徇習元人焚弃屍骸者坐以重罪命刑部著之律

皇明從前諸朝
皇明從前諸朝
皇明從前諸朝

聖祖集
征免通而
出無不使
小民官民
征困而幸
無較于空
之何哉

河漢之謂也。自是至解所曉見枯骸必掩之而後去至
是乃下於我聖祖
可謂體天地之仁矣

著令嚴宮闕內外出入之禁。○上以先王射禮久廢。無失
惟習於武夫。至是詔太學及郡縣學諸生習射。○夏至祭
地於方丘。○定服色之制。

夏尚黑。商尚白。周尚赤。秦尚黑。漢尚赤。唐
服飾尚黃。旗幟尚赤。從禮部議如漢尚赤。

戶部奏蘇州連逋三十萬餘。請論守臣罪。上曰。蘇州歸
附之初。軍府之用多賴其力。今積二年不清。民困可知。若
逮其官必責之於民。民畏刑罰必傾貲以輸官。如是而欲
其生遂不可得矣。其并所逋免之。○詔定鎮海濱城墮諸

神名號

如水則以木名稱其神城隍則稱其府
其縣城隍之神以前代加封號爲非也

夏久不雨 上憂之乃擇日躬自禱祈至期四鼓 上素

服艸履徒步出詣山川壇設藁蓆露坐晝曝于日頃刻弗

移夜臥于地衣不解帶 一天之者子 皇太子捧楹進農家之食雜麻

麥菽粟凡三日既而大雨四郊霑足

六月命都督張溫兼陝西行都督府事入謝 上諭之曰

卿蘭州之捷可謂奇功矣夫將帥之道有功不伐則功益

顯恃功驕恣則名益墮是故惟仁者不矜其功而智者克

成其名仁智兼全所向無敵若乏仁寡智雖有勇敢之士

南陽李元捷也。古者仁智之將撫摩安輯見情達變坐而
制勝以樹勲立名于當時者國家莫不倚重之功名始終
萬古不朽其餘悍驕恣橫者及其成功之後即復縱肆以
致敗亡此蓋勇力有餘而仁智不足故也古稱高而不危
滿而不溢又曰功蓋天下守之以謙爾能守此則可以長
保富貴矣。○文忠捷至時百官奏事奉天門聞元主殂遂
相率稱賀上曰元主守位三十餘年荒淫自恣遂至于
此因謂劉炳曰爾本元臣今日之捷爾不當賀因命禮部
榜示凡北方捷至嘗壯元者不許稱賀

太僕卿李元捷是時英雄不問其類而於義所在特加
之意故上未定而余聞李輔之死建廟肖像惟恐或

後北方捷至。任元者不許稱賀。其扶植綱常。培養節氣。而為萬世人臣立極。美服願一時左右之難堪哉。既而建文之朝。遂多死難之士。感應之機。真捷若影響矣。

詔示迤北臣民曰。朕即位之初。即遣使往諭四夷。高麗古城交趾皆已奉表稱臣。惟沙漠之地。尚未往報。蓋因庚申之君。擁殘兵於應昌。故爾今彼祿位既終。人心絕望。詔書到日。凡迤北各枝諸王各軍馬頭目人等。並依職來朝。或遣使歸順。當換給印信。還領所部。居本地。羊馬孳畜。從便牧養。朕既為天下主。一視同仁。華夏無間。詔書到日。敢有違者。必大舉六師。以清沙漠。毋或執迷。以貽後悔。○中書省議事。文忠所奏捷音。榜諭天下。上見有侈大之詞。

一之字系
八畫分無
同於夫

令服本俗衣以朝。朝畢，賜以中國衣冠，就令謝恩。復謂寔
曰：「故國之妃朝于君者，元有此禮，不必效之。但令服本俗
服於中宮朝，見見畢，賜之中國服，亦令就謝。」賜買的里八
剌第宅于龍山，封爲崇禮侯。○頒平定沙漠詔於天下。○
上與侍講學士危素論宋元興替，素因言元世祖至元間，
胡僧嗣占妙高，欲毀宋會稽諸陵。時夏人楊璉真伽爲江
南總攝，奏請如二僧言，遂發諸陵，取其金寶，以諸帝遺骨，
瘞於杭之故宮，築浮屠於其上，以壓之。又截理宗頂骨爲
西僧飲器，天下聞之，莫不傷心。上歎息久之，謂素曰：「宋
南渡諸君，無大失德，與元又非世仇，元旣乘其弱，取之何

聖王之世
民不困
民不困

乃復歸。能如是耶。即命北平守將吳勉訪頂骨所在。果得諸西僧廬中。命有司厝於京城之南。至是紹興府以永穆陵圖來獻。遂勅葬于故陵。○山西行省言大同糧儲路遠費重。若令商人於大同倉入米一石。太原倉入米一石三斗。給長廬淮鹽各一引。引二百斤。則轉輸之費省。軍儲之用充矣。從之。○上諭中書省臣曰。蘇松嘉湖杭五郡地窄民衆。細民無田。徃徃逐末利而食不給。臨濠朕故鄉也。田多未闢。土有遺利。宜令五郡民無田產者。徃臨濠開種。就以所種田永爲己業。官給牛種舟糧資遣之。三年不徵其稅。於是徙者凡四千餘戶。○遣使訪歷代帝王陵寢。

七月僞夏吳友仁寇漢中、守將金興旺、張龍擊却之、友仁復來攻、興旺面中流矢、拔矢復戰、斬首數百級、時守兵甚寡、欽軍入城、遣使問道、走寶雞、請援、友仁攻益急、興旺發巨礮、插石、敵兵多死傷者、大將軍得報、即令傅友德領兵夜襲木槽關、中山巖、令軍中人持十炬、燃於山上、友仁軍大驚、乘夜遁去、○詔諸儒修大明集錄、先是、上以創業之初、禮制未備、勅中書令天下郡縣、舉素志高潔、博通古今、練達時務之士、禮送京師、纂修、于是各該有司、舉到儒士徐一夔、梁寅、周子諒等十餘人、命與修元史諸儒、曾魯、王克、龔、鞠、翰、陶、凱等同纂脩、其書以吉凶軍賓嘉、及冠服車

輅儀仗齒簿字學樂律六者爲之綱凡升降儀節制度名
數纖悉具備書成凡十五卷○詔禁民僭侈○詔戶部籍
天下戶口置戶帖書各戶之鄉貫丁口名歲以字號編爲
勘合用半印鈐記籍諸部帖給於民今有司點閱比對有
不同者問發充軍官隱瞞者處斬○建諸王府○翰林學
士宋濂待制王禕失朝降爲編修○以劉基爲弘文館學
士○以翰林應奉陶凱爲禮部尚書○中書省左丞楊憲
以罪誅

按憲入中書欲盡變省中事凡舊吏一切罷出更用所
親因欲持權乃創爲一統山河花押示餘吏以觀從違
翰林編修陳極賀曰押字大貴只有天在上更無山與
齊者也憲大喜即奏極爲翰林待制陰令御史劉炳誣

奏侍郎左安、上覺之下炳獄炳吐其寶劍
基併發其奸狀、上怒、按問、憲與炳皆伏誅、

宋濂王禕等進續修元史、

八月都督康茂才從征漢中卒于道、上聞訃、震悼、追封
斷國公、親臨奠祭、○大將軍達帥諸將西征土蕃、克河州
招諭土蕃、元帥何鎖南普花兒只等皆納印請降、追元豫
王至西黃河底、黑松林、殺阿撒禿子、於是河州以西甘肅
烏思藏等部來歸者甚衆、征哨極甘肅西北數千里、始還
○瓜哇國西洋鎖里國各遣使來朝貢、○賜民教民榜、
凡江南諸大家、悉徵赴闕、廷親訓諭之、自天地陰陽性
命、仁義、古今治亂盛衰、紀綱、法度、風俗、政治得失之故、
詳解、屢數千百言、又恐其道、
難、效、福、爲、書、以、舉、本、分、賜、之、

禮部尚書陶凱等請進膳舉樂。上曰：古之帝王德隆治洽，熙然太和，日一舉樂，似未爲過。今天下雖定，人民未蘇，北征將士尚在暴露，朕宵旰憂勤之不暇，而可自爲逸樂哉？不許。

九月，詔翰林侍讀學士魏觀自今太廟祝文止稱孝子皇帝，不稱臣。凡遣太子行禮，止稱命長子，禁勿稱皇太子。著爲令。○廣西行省參知政事蔡遷卒，追封安遠侯。上親爲文述其功，遣人祭之。

十月，以湖廣左丞周德興爲征南將軍、總兵，討慈利土酋覃屋。復遁去。○改司天監爲欽天監。○遣使致書元太子。

愛猷識理達剌曰君之將擴廓帖木兒自太原奔潰後今年四月七日復大敗于定西遁去已命將追捕旦夕必擒近獲徹里帖木兒乃君舊所川人特令致書適元史告成朕以今先君爲三十餘年之主不可無謚以垂後世用謚曰順已著于史君之子買的里八剌亦封崇禮侯歲給食祿及其來者與之同居無恙但不知君之爲況何如進退之間其審圖之

十一月壬辰左副將軍李文忠等班師凱旋至龍江車駕出勞于江上○時大將軍徐達等征西師亦旋丞相李善長率百官上表賀丙申詔大封功臣命大都督府兵部

錄此諸將功績。吏部定勛。戶部備賞物。禮部定禮儀。工部造鐵。翰林院撰制誥。丁酉。上御奉天殿。皇太子親王侍。丞相率文武百官。列丹墀左右。召諸將諭之曰。汝等咸聽朕言。今日定封行賞。非出已私。皆放古先王之典。籌之二年。以征討未暇。故至今日。其爵賞次第。皆朕所自定。至公無私。如左丞相李善長。雖無汗馬之勞。然事朕最久。供給軍食。未嘗缺乏。右丞相徐達。朕起兵時。即從征討。摧堅撫順。勞勩居多。此二人者。已列公爵。宜進封大國。以示褒嘉。餘悉據功立封。書云。懋懋官。功懋懋賞。今日所定。若爵不稱德。賞不酬功。卿等宜廷論之。無得復有後言。

乃進封李善長太師韓國公食祿四千石徐達太傅魏
國公食祿五千石封常遇春子茂鄭國公李文忠曹
國公馮勝宋國公邵愈衛國公並食祿三千石封
湯和中山侯耿炳文長興侯吳良江陰侯廖永忠
德慶侯傅友德潁川侯趙庸南雄侯楊璟營陽侯
郭興鞏昌侯顧時濟寧侯吳禎靖海侯唐勝宗延
安侯陸仲亨吉安侯費聚平涼侯周德興江夏侯
陳德臨江侯華雲龍淮安侯胡廷瑞豫章侯朱亮
祖永嘉侯韓政東平侯俞通海南安侯康茂才子
蘇新春侯並食祿一千五百石王志六安侯鄭遇春

榮陽侯曹良臣宣寧侯曹彬宜春侯梅思祖汝南

侯陸聚河南侯並食祿九百石華高廣德侯食祿六

百石並賜鐵券子孫世襲李善長賜號開國輔運推誠守

正文臣徐達而下並授開國輔運推誠宣力武臣封汪

廣洋忠勤伯劉基誠意伯食祿二百四十石爵止其身

不世襲餘功臣授都督指揮等職有差是日也仍徧賜諸

大臣功臣綺帛惟李善長徐達賜文綺及帛百匹其餘有

差○追封故功臣馮國用郢國公俞通海號國公丁

德興濟國公加封耿再成泗國公

按鐵券之制其形如瓦面刻諸文皆鐫免罪減死俸祿之數字字嵌以金一時功臣鐵券數十其文不能悉錄姑

錄李善長一劄以表其所以爲勛首云朕聞古帝王之成大業者實由天假其賢以輔之故成德加于四海而天下定矣朕自起草萊提三尺劍率衆數千居羣謀肘腋間未有定期而善長來謁轅門傾心協謀從渡大江于是定居建業咸聲所至無不來附不一二年間集兵數十萬東征西伐口不暇給爾獨守國轉運糧儲供給器仗未嘗缺乏况割繁治劇和輯軍民無有怨誹之言此上天以授朕朕獨知之而人人未必盡知也昔者漢蕭何有饋餉之功千載之下人皆稱焉比之于爾蕭何未必過也今天下一家爾年已高朕無以報爾是用加爾爵祿使爾子孫世世承襲朕本疎愚若違前代哲王之典禮茲與爾誓除謀逆不宥其餘若犯死罪爾免二死子免一死以報爾助嗚呼慎始如終以仁義忠孝訓其嗣人必國後輔與國同久庶不負爾之前勞豈不偉哉○初欲製錢券而未有定制聞台州民錢允一者吳越忠肅王鈔之裔家藏唐昭宗所賜錢券遂遣使取之準其式而加損益高廣有差第爲七等割而爲二一爲券臣一藏內府有故則合之以取信

對汪興祖爲東勝侯既而人有言其過者上宥而弗問

星明續編卷五
三
德弗與諡券。俾與職都督。遇有征伐。自效以圖賞。封興祖。
廬州合肥人。張德勝子。○優待諸降臣。李思齊。潘原明。李
伯昇。王溥等。並食平章祿。不署事。子孫世襲指揮同知等
官。

十二月薛顯封爲永城侯。時顯有專殺之罪。上亦不與。
鐵券。惟賜文綺帛六十匹。俾居海南。上召諸將諭之曰。
自古帝王有天下。爵賞以酬功。刑罪以懲惡。故能上下相
安。以致治也。卿等明聽朕言。昔漢高帝非有功不侯。所以
重封爵也。而功不免於誅戮。侯君集有功於唐。犯法當誅。
太宗欲宥之。而執法者不可卒以見誅。非高祖太宗忘功。

臣之勞也。由其恃功驕恣。自冒于法耳。今右丞薛顥。自
盱眙來歸。朕撫之厚而待之至。推腹心以任之。及其從征
討。皆著奇績。自後破慶陽。追王保保。戰賀宗哲。其勇畧意
氣。迥出衆中。可謂奇男子也。朕甚嘉之。然爲性剛忿。朕屢
戒飭而不能悛。至於妄殺胥吏。殺獸醫。殺火者。又殺馬軍。
此罪難恕。而又殺天長衛千戶吳富。此尤不可恕也。富自
幼從朕。有功無過。顯因利其所獲孳畜。殺而奪之。朕欲加
以極刑。恐人言天下甫定。即殺將帥。欲宥之。則死者何辜。
今乃論功封以侯爵。謫居海南。分其祿爲三一。以贍富之
家。一以贍馬軍之家。一以養其老母妻子。庶幾功過不相

掩。而國虛。若廢也。若顯所爲。卿等宜以爲戒。上大宴羣
臣。宴畢。因語之曰。天下大業。以艱難得之。必當以艱難守
之。卿等今皆安享爵位。不可忘艱難之時。人之常情。每謹
于憂患。而忽于晏安。不知憂患之來。常始于晏安也。今日
與卿等晏飲。極歡。恐久而忘其艱難。故相戒免。明日。徐達
率諸將詣闕謝。上退。御華蓋殿。賜達等坐。從容語之曰。
曩者與卿等初起。本圖自全。非有意於天下。及渡江以來。
觀羣雄無救民之心。徒爲生民之患。若士誠恃其財富。侈
而無節。友諒恃其兵強。暴而無恩。朕獨恃卿等一心共濟
艱危。初與二寇相持。人有勸朕先擊士誠。以爲士誠門近。

友諒稍遠。若先擊友諒。則士誠必乘我後。此亦一計。然不知友諒剽而輕。士誠狡而懦。友諒之志驕。士誠之器小。志驕則好生事。器小則無遠圖。故友諒鄱陽之役。與戰宜速。吾知士誠必不能越姑蘇一步。以爲之援也。向若先攻士誠。則姑蘇之城。并力堅守。友諒必空國而來。我將撤姑蘇之師以禦之。則疲于應敵。事有難爲。朕之所以取二寇者。固自有先後也。二寇旣除。兵力有餘。鼓行中原。宜無不下。或勸朕盪平羣寇。乃取元都。若等又欲直走元都。兼舉隴蜀。皆未合朕意。朕所以命卿等先取山東。次及河洛者。先聲旣震。幽薊自傾。且朕親駐大梁。止漳關之兵者。知張思

遷客思歸。王保保皆百戰之餘。未肯遽降。急之非北走元都。則西走隴蜀。并力一隅。未易定也。故出其不意。反旆而北。元衆膽落。不戰而奔。然後西征張李二人。望絕勢窮。不勞而克。惟王保保猶力戰以拒朕師。向使若等未平元都。而先與之角力。彼人望未絕。困獸猶聞聲勢相聞。勝負未可知也。事勢與友諒士誠又正相反。至于閩廣傳檄而定。區區巴蜀。恃其險遠。此特餘事耳。若等可以少解甲冑之勞矣。於是達等皆頓首謝。○設壇親祭。戰沒功臣。并及軍士。且撫養其父母子孫。俾食其祿。羣臣莫不感動。○上朝罷。退坐東閣。召諸武臣問之曰。爾等退朝之暇。所務者何。

事所接者何人。亦嘗親近儒生乎。往在戰陣之間。提兵禦敵。以勇敢爲先。以戰鬪爲能。以必勝爲功。今閒居無事。勇力無所施。當與儒生講求古之名將。成功立業之故事。君有道持身。有禮謙恭。不伐能。保全其功名者何人。驕淫奢侈。暴橫不法。不能保全終始者何人。嘗以此爲鑒戒。擇其善者而從之。則可與古之名將並矣。○戶部言陝西察罕腦兒之地。有大小鹽池。請設鹽課提舉司。撈鹽夫百餘人。蠲免雜役。專事煎辦行鹽之地。東至慶陽。南至鳳翔。漢中。西至平涼。北至靈州。募商人入粟中鹽。粟不足。則以金銀。權易。鹽。牛羊之類。驗值準之。如此。則軍儲不乏。民獲其

聖考

利權空。○大明志書成。○建奉先殿於乾清宮左。自太廟一歲五享之外。每日焚香。朔望薦新。節序及生辰。皆於此祭祀。用常饌行家人禮。○命京都府州縣及里社。皆設壇祭無祀鬼神。

辛亥

洪武四年

正月左丞相李善長乞致仕。許之。賜臨濠田若干頃。佃戶一千五百戶。守墳人戶一百五十戶。儀仗戶二十家。仍詔善長董建中都宮殿。○詔給賜公侯徐達等臨濠田地。佃戶守墳人戶。儀仗戶各有差。○賜誠意伯劉基歸老鄉里。○偽夏明昇尚據巴蜀。上乃祀告于上下神祇。命諸將

將士已有
常供得以
其寒加給
衣食
祖而心
開如此

分道伐之。湯和爲征西將軍。同楊璟。廖永忠。周德興。曹良臣等。率京衛。荆湘。舟師。由瞿塘。趨重慶。傅友德爲征虜前將軍。同顧時。陳德。汪興祖等。率河南。陝西。步騎。由秦隴。趨成都。上密諭傅友德曰。蜀人聞吾西伐。必悉其精銳。東守瞿塘。北阻金牛。若出其意外。直擣階文。門戶旣陷。腹心自潰。兵貴神速。但患不勇耳。○上謂中書省臣曰。今日天寒。有甚於冬。京師尚爾。況北邊荒漠之地。永厚雪深。吾守邊將士甚艱苦。爾中書其以府庫所儲布帛。製綿襖。加給蔚州。寧夏等處將士。○御史臺進擬憲綱四十條。上親加刪定。○中書省臣上天下府州縣官之數。○製玉圖記。

五年。賜皇太子文曰。大本堂記。一賜中官。文曰。厚載之記。
二月。以刑部郎中劉惟謙爲尚書。○親策試進士吳伯宗
等及第出身有差。伯宗。撫州金谿人。○上謂中書省臣曰。
今天下已定。致治之道。在於任賢。旣設科取士。令各行省
連試三年。庶賢才多而官足任使也。自後則三年一舉。著
爲定例。○定文武官歲祿。○諭中書省考古先聖帝賢王
以及歷代帝王會主中原安人民者。皆春秋祭於陵寢。禮
部定議合祭帝三十五。

在河南者十。陳州祭伏羲商高宗。孟津縣祭漢光武。洛陽縣祭漢明帝章帝。鄭州祭周世宗。鞏縣祭宋太祖太宗。真宗。仁宗。在山西者一。榮河縣祭商湯。在山東者一。須城縣祭唐堯。曲阜縣祭少昊。在北平者三。古冶縣祭

商中宗湯祭額頭高辛在湖廣者二鄆縣祭神農帝
遠縣祭虞舜在浙江者二會稽縣祭夏禹宋孝宗在茂
西者十五
祭黃帝咸陽縣祭周文王武王成王
祭漢宣帝三原縣祭唐高祖隨縣祭唐
太宗蒲城縣祭唐憲宗涇陽縣祭唐宣宗

周德興率指揮胡海等取蜀之龍伏隘進奪軍屋溫湯關
○廣德侯華高卒追封巢國公塑像功臣廟

閏二月命禮部議定內官品秩

命大將軍徐達往北平操練軍馬葺治城池濟南濟寧青
萊徐州等衛悉聽節制

命馮勝往陝西繕修城池

命鄧愈往襄陽訓練軍馬運糧餉以給軍士

以出師中劉維謙爲尚書

祠祀元御史大夫福壽

三月湯和等克蜀歸州，取桑植、芙蓉洞，及草屋、茅岡寨。○故元遼陽行省平章劉益，藉其軍馬錢糧之數，并遼東州郡地圖，遣使奉表來降。上嘉其誠，遣斷事官吳立持詔往諭，置遼東指揮使司，以益同知指揮事。○復命永嘉侯朱亮祖爲征虜右副將軍，率兵往助伐蜀。大會征進。

四月，傅友德等進兵克蜀階州文州。先是，友德受命馳至陝，集諸道兵，揚言出金牛，而引兵趨陳倉，選精騎五千爲前鋒，焚緣山谷，晝夜兼行，大軍繼之，直抵階州。蜀守將丁

世珍拒戰，友德擊敗之，生擒其將雙刀王等，遂克階州。將至文州，蜀人斷白龍江橋，友德督兵修橋以渡。至五里關，世珍復集兵據險，都督汪興祖躍馬直前，中飛石死。友德怒，奮兵急攻，破之。世珍僅以數騎遁，遂拔文州。○楊璟等進攻夔州，不利。先是，蜀人自謂瞿塘天險，造平章莫仁壽守之，以鍊索橫斷關口。聞王師臨境，又遣僞丞相戴壽平章鄒興副樞飛天張益兵固守，於鍊索外北倚羊角山，南倚南城寨，鑿兩岸壁，引纜爲飛橋三，平以木板，置砲石以拒我師。璟遣指揮章權帥兵出赤甲山，以逼夔州。指揮李崇出白鹽山，攻南城寨。璟與都督王簡出大溪口，進攻瞿

楊繼宗、朱申、白璽之師亦退還歸州。湯和、廖永忠等亦以江永暴漲不能進，駐師大溪口。○傅友德既克階文，遂進白水江。蜀人望風驚遁，遂克綿州。至漢口，阻水不得渡，乃令軍中造戰艦百餘艘，艦成將進兵漢州。欲以軍中消息達湯和，而山川懸隔，適江水暴漲，乃以木牌數千，書克階文、綿漢日月，投漢江順流而下。蜀守者見之，爲之解體。友德進逼漢州，僞守將向大亨悉兵迎戰，友德擊敗之。戴壽聞友德兵下漢江，乃分糧塘兵與太尉吳友仁還援漢州，以保成都。既至，友德下令諸將曰：「彼勞困遠來，聞大亨兵敗，衆必洶洶，一戰可克也。」乃親率師迎敵，壽兵大敗，遂

拔漢州擒其招討黃龍萬戶梁士達等壽興大亨奔成都友仁走古城友德追擊之擒殺二千餘人友仁自古城遁還保寧○詔免江西兩浙田租○時湯和等師駐大溪口欲候水平方進上聞之乃詔和曰傳將軍率精銳冒險深入克諸州今次于平川蜀無險可恃正當水陸並進使彼疲於奔命平蜀之機正在今日若候水退然後進師豈不失機候事朕前日所以語爾者獨不記憶乎何怯之甚也詔至廖永忠遂帥所部先次奮葵府鄒興等拒戰永忠分軍爲前後陣前陣旣接乃遣後軍兩翼傍出與兵大敗明日復併兵攻之擒其元帥龔興殺溺死者甚衆○以方

充韓壽南知府

初至官。榜于通衢。論以上受元元之意。民有不平。皆得請府自言。吏胥不得呵禁。日引耆老端人。訊以得失。聘賢士爲師。選補弟子員。葺廟堂。闢射圃。日再視學。親爲正句讀。較社禮。各立社學。民墾廢田者。闢三載乃稅。丁產科徭。均定等則。凡有役使。務徇民便。尤慎于庶獄。月錄日省。時永嘉朱亮祖。舟師數百艘北征。河國舟膠亮祖師。即趨五千夫浚河。否則以軍法論。亮祖勤不忍勞民。泣禱于天。夜大雨數尺。舟竟去。

五月詔勸興禮俗。○上與廷臣論刑罰。御史中丞陳寧曰。法重則人不輕犯。吏察則下無遁情。上曰。不然。法重則刑濫。吏察則政苛。鉗制下民。而犯者必衆。鈎索下情。而巧僞必滋。夫壘石之岡。勢非不峻。而草木不茂。金錢之溪。水非不清。而魚鱉不生。古人立法置刑。以防惡衛善。故唐虞

畫衣冠。異章服。以爲戮。而民不犯。秦有鑿顙抽脇之刑。參夷之誅。而囹圄成市。天下怨叛。所謂法正則民慈。罪當則民從。今施重刑。而又委之察吏。則民無所措手足矣。朕聞帝王平刑。緩獄。而天下服從。未聞用商韓之法。可致堯舜之治也。寧慚而退。

六月。永忠至瞿塘關。山峻水急。鑿索飛橋。橫據關口。舟不得進。乃密遣壯士數百人。舁小舟。踰山渡關。以出其上流。人持糗糧。帶水筒。以禦飢渴。蜀山多草木。令軍士皆衣青蓑衣。魚貫出崖石間。蜀人不之覺也。度其已至。乃率精銳出墨素渡。分爲兩道。夜以一軍攻其陸寨。一軍攻其水寨。

乘水寨。悉士皆以鐵裹船頭置火器而前。蜀人盡銳來攻。永忠已破其陸寨矣。旣而將士昇舟出江者。一時俱發。上流揚旗鼓噪而下。蜀人出不意大駭。下流之師亦擁舟前進。發火砲火筒夾擊。大破之。其將鄒興中火箭死。遂焚其三橋。斷其橫江鐵索。擒偽同僉蔣達等八十餘人。斬首千餘級。溺死者無算。飛天張鐵頭張等皆遁去。永忠入夔府。明日湯和兵亦至。永忠乃與和分道並進。和率步騎。永忠率舟師。約會于重慶。永忠師行。沿江州縣。望風奔附。乘勝抵重慶。次銅鑪峽。明昇君臣大懼。其右丞劉仁勸昇奔成都。昇母彭氏泣曰。事勢如此。縱往成都。不過延命旦夕。何

此鑑亦大

了了

利臣和英
必成功為

以

益仁曰然則奈何彭氏曰大軍入蜀勢如破竹今城中軍民雖數萬皆磨破心碎豈能効力若舉之拒戰所傷必多終亦不免也不如早降以免生靈於鋒鏑昇遂遣使詣永忠納款永忠以湯和未至辭不受後數日湯和至重慶會永忠以兵至朝天門外明昇面縛銜壁與母彭氏及羣臣奉表詣軍門降和受壁永忠解縛永制慰撫下令將士不得侵掠送明昇赴京師

七月傅友德克成都先是友德進兵圍成都戴壽向太京拒戰以象載甲士列于陣前友德命以毒矢火器衝之象中奔地赴自縊死者甚衆友德亦中流矢會湯和遣人報

重慶之捷及撫諭蕭壽向大亨等家令其子弟持書往成都招諭壽等遂無鬪志舉城降成都平友德分兵會朱亮祖徇未下州縣崇慶偽知州尹善清拒戰擊斬之進克保寧執吳友仁蜀地悉平得蜀金寶玉冊銀印五十八銅印六百四十路府七元帥府八宣慰宣撫司二十五州三十七縣六十七○以李守道詹同爲吏部尚書論之曰吏部者衡鑑之司鑑明則物之妍媸無所遁衡平則物之輕重得其當蓋政事之得失在庶官任官之賢否由吏部任得其人則政理民安任非其人則瘼官曠職卿等居持衡秉鑑之任宜公平以辨別賢否無但碌碌取充位而已也○

上謂詹同曰。論事當覽往古。卿儒者。宜知古帝王爲治之道。同對曰。帝王之治。無過于唐虞三代。上曰。三代而治。本于心。三代而下。治由乎法。本于心者。道德仁義。其用無窮。由乎法者。權謀術數。其用易敗。爲治者。遠乎道德仁義。必入于權謀術數。擇術不可不慎也。○尚書詹同。陶凱及協律郎冷謙等。制宴樂九奏樂章成。其曲一曰本太初。二曰仰天明。三曰民初生。四曰品物亨。五曰御六龍。六曰恭階平。七曰君德成。八曰聖道成。九曰樂清寧。先是。上厭前代樂章。率用腹詞。或鄙陋不雅。乃命凱等更制其詞。至是。上之命。協音律者歌之。謂侍臣曰。禮以導敬。樂以

盛衰遷變不和。何以爲治。元時古樂俱廢。惟淫詞艷曲。更唱迭和。又使胡虜之聲。與正音相雜。甚者以古先帝王祀典神祇。飾爲舞隊。諧戲殿庭。殊非所以導中和。崇治體也。今所製樂章。頗協音律。有和平廣大之意。自今一切諛諂淫蕩之樂。悉屏去之。

冷謙字恭敏。杭州人。精音律。善瑟。工書。元末黃冠隱吳山。飄然塵外。國初召爲太常協律郎。郊廟樂章多所裁定。謙常受仙術。有友貧不能自存。求濟。謙曰。吾指汝一石。往焉。慎勿多取。過分乃于壁間畫一門。一編守之。令其人敲門。門忽自開。入其室。金寶充牣。蓋朝廷內帑也。其人志取以出。而遺其引。他日庫失金。守庫吏得引以聞。執其人訊之。詞反謙。因併逮謙。謙索少水救渴。逮者以瓶汲水與之。謙且飲。且以足插入瓶中。其身漸隱。逮者驚曰。汝無然。吾輩皆坐死矣。謙曰。無害。汝但以瓶至御前。上問之。輒于瓶中應如響。上曰。汝出見朕。朕不

天地之大
何處不有

殺汝諫。對臣有罪，不敢出。上怒，擊其瓶，碎之。片片皆
應，終不知所在。自是不復見。移檄四方，物色之，竟不能
得。所載公啓敬事，與漢左慈絕相類，似涉誕妄。然觀魏
伯溫嘗爲啓敬賦，吳山泉石歌，張三丰題其所繪蓬萊
仙奕圖，則其人固有仙風道骨，且事蹟散見于震澤楊
語、雙槐歲抄、皇明題要諸書，紀載頗詳，則其事固不可
謂無也。

立徐王廟于宿州。王姓馬。高皇后父也。后正位宮闈，
乃追封爲王。母鄭氏爲徐王夫人，以無他繼嗣，因立廟于
太廟之東。歲時致祭。旣而，上以稽典禮，古無其義，于是
乃命有司，即王所居州鄉立廟，設祠祭器，每歲春秋奉祭。
○置定遼都衛指揮使司，以馬雲、葉旺爲都指揮使。先是，
遼陽劉蓋旣來降，授官。未幾，故元平章洪保保、馬彥章共

謀殺益其右丞張良佐左丞房嵩檜彥暈殺之保保走故
元將訥哈出營遼東之衆因推良佐等權衛事良佐遣使
械送殺益逆黨平章八丹知院僧兒等至京且言本衛地
方遼遠僻處海隅肘腋之間皆爲敵境乞留朝廷所遣斷
事吳立鎮撫軍民上以立與良佐嵩俱爲遼東指揮旣
而本衛復奏言訥哈出據金山擾邊爲患乞益兵爲備及
遣黃儔以書諭訥哈出被拘不還于是大爲保固疆圉之
計乃置都衛以雲興旺爲都指揮總轄遼東諸衛軍馬鎮
禦時遼東反側尚多雲等由登萊渡海頓兵金州招降故
元叅政葉廷秀攻走平章高家奴遂進至遼東完城繕兵

嚴設守備一方遂安○有心錄成上覽之謂諸儒臣曰
朕聞歷代賢君事神祇肅故休徵類應及乎衰世之君違
天慢神感召災譴朕爲是懼每於臨祭必誠必敬故命卿
等編此欲示鑒戒夫水可以鑒形古可以鑒今是編所載
豈惟行之於今將俾子孫以爲法守○初保寧有韓氏女
年十七避亂僞爲男子服混處民間旣而被虜居兵伍中
七年人莫知其爲女子後從王珍兵掠雲南遇其叔贖之
歸成都人稱爲韓真女○占城國王阿荅阿者遣其臣答
班爪十農來朝奉表言曰大明星帝撫有四海如天地覆
載日月照臨阿荅阿者欽蒙以金印封爲國王感戴倍蓰

細觀所請
二事申考
發後如此
調處甚妙

惟是蠻獮伺擾疆域殺掠吏民伏願垂慈賜以兵器樂人
俾安南知我占城乃聲教所被之地庶不敢欺凌上感
其意及答班爪十農陛辭命中書省移咨其國王云占城
安南卽皆臣事朝廷同奉正朔而乃擅自構兵旣失事上
之禮又失交鄰之道已咨安南卽日罷兵爾國所請兵器
朝廷若以與爾則是助爾相攻甚非撫安之義又所請樂
人語音有華夷之異難以發遣若爾國有能習中國華言
可教以音律者擇數人赴京習之并諭福建行省占城海
舶貨物皆免征以示懷柔之意○司業宋濂坐考祭禮遲
滯謫知安遠縣

因事直陳
古大臣也

八月改制用寶金牌付中書省與大都督府各收掌之凡有詔急令調軍省府各出所藏金牌入內請寶如大都督府先奉旨亦如之其有不行約會者以奸臣論○遣佛珠國故民祝古倫持詔往諭其國俾知大明平定四海之意○是月復開科鄉試○上手書問劉基以天象事基條荅上言以爲雪霜之後必有陽春今國成已立宜少濟以寬○此○字○上以其書付史館或有言殺運三十年未除者基曰若使我富國掃除俗幣一二年後寬政可復也

按殺運直至永樂時難後始除

南番暹羅國王參烈昭毘牙渤泥國王馬謨沙三佛齊國

日本國之至

主將喇禮八赫卡各遣使臣奉金葉表文來朝貢。○日本國王良懷遣使朝貢。○守禦北平華雲龍統兵至雲州緝知故元平章僧家奴營于牙頭夜分精兵襲之突入其營擒僧家奴盡俘其土衆駝馬復至上都大石崖攻克劉學士等寨擊敗驢兒國公於高州武平虜衆悉北奔又遣指揮孫恭等領官軍口北招諭故元惠王伯都不花儲王伯顏不花宗王伯帖木兒太尉蠻子等并部下將士悉降獲金寶二金印一金字團牌九銀字團牌二皆送京師上喜賜伯都不花等第宅幃幔什器衣服有差。○明昇及其官屬至京朝見制赦其罪封昇爲歸義侯賜居第京師

上親製平西蜀文以紀傳廖二將之功

草木子記後以海舟載明州同歸德侯陳璘往高麗親飄然入于海矣述遺云洪武五年正月徙璘昇于高麗

九月 上觀大學衍義至晁錯謂人情莫不欲壽三王生之而不傷真德秀釋之曰人君不窮兵黷武則能生之而不傷顧謂侍臣曰晁錯之言所該者廣真氏之言所見者切古人云兵者凶器聖人不得已而用之朕嘗思爲君恤民所重者民刑濫刑者陷人于無辜黷兵者驅人于死地有國者當深戒也

十月 上謂中書省臣曰祥瑞災異皆上天垂象然人之常情聞祥則有驕心聞災異則有懼心朕常命天下勿

未詳。災異即時報聞。尚慮臣僚罔體朕心。遇災異輒
匿而不舉。或舉而不寔。使朕失致謹天戒之意。中書其行
天下。遇有災變。即以寔上聞。○平蜀諸將班師還京。論功
賞傳友德。廖永忠。各白金二百五十兩。彩段二十表裏。餘
將士各有差。以楊璟無功。不賞。又詔汪興祖。以有過從征。
沒于王事。仍授以原封侯爵。賜鐵券。子孫世襲。

十一月冬至。祀天於圜丘。上御奉天殿。百官行慶成禮。
○命自今官吏犯賊罪者。無貸。元末仕進者。各賂遺權要。
邀置官爵。下至州縣簿書小吏。非納賂者。不獲進。上深
知其弊。嘗曰。此弊不革。欲成善治。終不可得。故有是令。

按宋初敗賊吏之誅天下遂治後甯施而張清郭餘慶
輩以賊敗者猶杖脊遠配故終宋世多厲廉節至元而
浸無忌憚無怪其亂亡也我祖澤愆此弊設犯賊無
貸之令尋製大誥三編申戒不已豈非萬世聖子神孫
所當遵行而大小臣
工永爲警懼者與

上御武樓指揮郭英等侍側上謂英等曰朕嘗思保天
下汝等能思保身家乎英曰臣性至愚亦嘗念及此上
曰朕命軍士往臨濠造宮殿汝等又役之爲私室是保身
家之道與英等駭愕請罪上曰朕每思所以保汝輩之
道汝輩乃不思保其身誠愚也昔朕皇考嘗言凡人守分
植財如置田穫積歲有常入用之無窮若悖理得財如食
有汚吏獲利雖博有喪身亡命之憂今汝等有勛勞于國

廉廉臨縣縣祿是即恒產能守而勿失子孫永賴不然將
無後憂乎

十二月漢中府知府黃震有罪逮至京詔釋之

初震在漢中多善政值大軍平蜀之後陝西旱饑漢中
尤甚鄉民多聚為盜莫能禁嚴是時府令儲糧十餘萬
石震即日發倉令民受粟自是懷竊之盜與鄰境之民
來歸者今為保伍驗丁給之帑以全活者甚衆至秋大
熟民悉以粟還倉上聞而嘉之至是以他事被逮
上曰震良吏也釋之以為收民者勸初為吉水州知州
亦以寬惠愛民有善政
後累官至戶部尚書

皇明從信錄卷五

皇明從信錄卷六

東莞 陳 建輯

秀水沈國元訂

壬子

洪武五年

正月元遺孽梁王把匝剌瓦爾密竊據雲南特遣弗臣遣翰林待制王禕行參政吳雲持詔往招諭之○戍遼東命靖海侯吳禎總舟師由登萊轉運以餉之○復召用薛顯上給賜錢券授開國輔運推誠宣力武臣榮祿大夫柱國永城侯食祿一千五百石子孫世襲○議征沙漠上謂諸將曰今天下一家尚有三事未了一歷代傳國璽在胡虜獲其統兵王保保未擒二前元太子不聞音問今遣使

集道遵德於是令大將軍徐達總中道兵湯和等副之
出大同趨河林宋國公馮勝爲征西將軍傅友德陳德爲
副總西道兵出臨洮攻甘肅曹國公李文忠爲征虜前將
軍顧時韓政曹良臣爲副領東道兵出北平攻上都每路
兵十餘萬共四十萬○徐達等兵入沙漠糧運不繼師疲
而還○馮勝等擊元岐王兵于別力篤山敗之斬首數千
級西取甘州趨西涼敗元將失剌罕至永昌又敗元將朵
兒只巴於虎刺罕只獲羊馬駝共十餘萬進拔肅州元平
章不花戰死降太尉鎖納兒等獲馬萬匹至瓜沙州敗其
守將獲羊馬二萬取亦集乃路敗俞寶丘勝等分布戍守

阨塞關塞而還。○李文忠等兵擣應昌進可溫河。至哈刺
 莽來。虜連遁去。文忠曰。兵貴神速。千里襲人。難多重負。乃
 留韓政駐輜重于驢駒河。令士卒各持二十日糧。兼程前
 進。至土刺河。元將哈刺張蠻子列騎以待。文忠督兵與戰。
 馬中流矢。下馬持短兵接戰。部將李榮以所乘馬授之。文
 忠得馬氣益厲。遂力戰。虜却。追至騁海。虜來益衆。文忠據
 險爲營。示以單弱。虜疑有伏。遁去。軍還。失故道。乏水。渴死
 者衆。文忠患之。至哥今麻思。出野尋水脉。忽所乘馬以足
 跑地。泉隨涌出。三軍賴之。乃爲文殺牲以祭。顧時與文忠
 奔走沙漠。迷失道。糧且盡。遇胡兵。士卒疲乏。不能戰。時

有程以自
誤則不荒
其心而事
錄之集矣

奮勇殲虜。麾下數百人躍馬大呼。衝擊胡兵。賊走之。遂掠其輜重。羊馬還。士卒復大振。曹良臣至阿魯渾河。孤軍深入。與虜戰沒。事聞。上痛悼之。追封安國公。塑像祭于功臣廟。○遣楊載詔諭琉球。○命禁下第舉人。擬拾主司。

二月。上諭羣臣曰。凡居官者。任雖不同。皆當盡職。昔范仲淹居官。計日所爲。必與日稱。或有不及。次日補之。君子盡心于國如此。朝廷豈有廢事。天下安得不治。元之將亡。內外諸臣。惟日餽肥甘。不修職事。生民疾苦。漠若不聞。紀綱廢而人心日離。遂致土崩。朕每夜側席。未明視朝。常恐廢怠。民失所依。卿等當體朕懷。以修廢職。○戶部言四川

此法宜著
實行

產巴茶凡四百七十七處茶戶三百一十五宜依定制每
下法茶十株官取其一歲計得茶萬九千二百八十斤令有司
貯候西番易馬從之

三月給僧道度牒令僧道錄司造冊頒行天下寺觀
凡遇僧道卽與對冊其父兄籍告度日月如有不同卽爲
僞僧○夏辰州一十八洞及九溪九慶水米坪散毛柿溪
等洞蠻夷作亂命衛國公鄧愈爲征南將軍楊璟爲副率
兵討平之凡克四十八洞

右江諸蠻作亂討平之至是復命良率賓慶衛指揮胡海
等護銅鼓並開潭溪曹滿騰浪篤莫洪州古州等處蠻誅

觀其無類
之應可以
知其人

王政之先
務

本以養民
而令新
民之民之
風好民之

籍輸租奉法地方遂寧。○元泰和州學正劉于卒

于字允恭吉安永豐人至正間授奉和學正日中原亂
將作吾死不見幸矣謝官遁去會
上即位屢召至
以疾辭
上重之賜衣冠放還山初余聞其奇其
人曾魯謂其嗜義如飢渴及是年宋廉銘其墓

命禮部重定官民相見禮

五月詔境內有孝子順孫義夫節婦志行卓異者里指實
白有司有司上監察御史按察司覈實開奏表門閭如制
○定官民服色冠帶室宇車馬品式○詔天下郡縣立孤
老院民不能自生者許入院贍養月給米三斗薪三十斤
冬夏布一匹小口給三之二已改爲養濟院○詔有司舉

曰亦大失
聖証意矣

行鄉飲酒禮。○徐達兵至嶺北與虜戰敗績。○夏至祭地。

于方丘。

六月句容縣民獻嘉瓜二、同蒂而生。禮部尚書陶凱奏曰。

禎祥實由聖德。上曰朕寡德不敢當之。且艸木之祥生。

湖海生理

是聖人發力

于其土亦惟其土之人應之於朕何與。若盡天地間時和。

歲豐乃王者之禎也。○命禮部議宮官女職之制。○作鉄。

榜申戒公侯。○命工部造紅牌鐫戒諭懸于宮中。○定宦。

官禁令。

七月琉球國瑣里國各遣使朝貢。○湯和等兵至斷頭山。

遇虜與戰不利。指揮章存道死之。

八月河南民獻白兔命放之野

九月周德興等討婪鳳安田等州諸洞蠻悉平之○征西

將軍馮勝自甘肅班師至京○上念驛傳繁難今日更難矣諭中書省

必以丁糧富庶者充役非軍國重差不許給驛

十月詔免應天太平寧國鎮江廣德今年秋糧

十一月征南將軍鄧愈楊璟等班師還京○靖海侯吳禎

還京師先是禎督餉定遼盡收遼東未附之地至是還

上曰海內悉歸版圖固可喜亦可懼禎曰陛下威德加於

四海復何憂上曰君天下者在德不在地今之天下卽

元之天下地非不廣而元主荒淫國祚隨滅可不懼乎禎

對曰。聖慮深遠。臣愚不及此。○賞征甘肅。京衛軍士。一莊四百三十五人。白金四萬四千兩。將官。匪所獲馬。騾。牛羊者。不賞。上因諭之曰。爲將者。不私其身。況於物乎。昔漢祭遵爲將。憂國奉公。宋曹彬平南唐。所載惟圖書。汝等能法古人。則令名無窮。今之不賞。汝等當自省之。諸將皆叩頭謝罪而退。

十二月。禮部尚書陶凱言。唐漢宋皆有會要。紀載時政。以資稽考。今起居注。紀言紀事。及奏事簿籍。紀載時政。可以法當時。訓後世者。宜依會要編類成書。使議事者有所稽考。從之。

又言是其
久而后定
者將若何

公德于古
無所

按漢司馬遷史記班固漢書唐韓愈順宗實錄宋李壽
長指帝昀即僞布天下非但會要而已惟元之十三朝
實錄秘之不宜我明御極方發其所藏以修元史彼其
以夷亂華固無足述而聖朝至公小善不沒向德其為
明君良臣而繼後者稍存忌刻率不為誣捏也哉此弘
治間大學士丘濬應及于此必請依洪武事例欲勒成
一書以頒
行天下也

遣使與元幼主書曰朕觀前代獲亡國子孫必獻俘廟社
誇示中國其有陽示優待者不久非鳩即殺君家待宋幼
主至削髮為僧終不免於一死朕則不然君之子至京今
已三年優待有加君宜遣使取歸朕本布衣生長君朝混
于民間豈有志于今日自辛卯盜起汝穎斬黃間君家天
運已去人心已離四海土崩民罹荼毒朕始議興師保身

牧民。一時僭稱名號者。盡爲俘虜。君之父子。亦不守宗社。北遁沙漠。此天運非人力也。故特致書以達朕意。君宜察焉。○又與元臣劉仲德、朱彥德、二生書曰。朕觀二生乃間氣所鍾。古今如二生者絕少。何也。至正之君蒙塵而崩。幼主孤弱。大臣無不叛去。獨二生竭力守護。誠可嘉尚。今特遣使者諭爾君。令取其子質的里八剌歸。三生宜答之。毋教人絕父子之倫。爾君之宗祀不絕。二生之家族亦可長保。如其不然。中國六軍出討。旌旗數百里。綿亘於陰山。二生若忠于君。自膏艸野。名垂千載。亦奇男子事也。或不能殉國。偷生苟免。將何面目與朕相見。惟熟慮之。

快舉

直今日久
不可憑矣

十二月內使奏增餉虎肉。上因養牛以供耕作。養馬以供騎乘。養虎欲以何用。而費肉以飼之乎。命以虎送光祿。他禽獸悉縱之。○以宋濂爲太子贊善大夫。先是濂坐失朝降編修。改司業。又坐考察孔子禮遲慢。謫安遠知縣。未幾召爲禮部主事。遂擢是職。○令有司考課。必書農桑學校之績。

癸丑 洪武六年

正月守令來朝。上賜酒饌。明日陞辭。復諭以勉修厥德。廣施惠政。○置六科給事中。掌叅駁糾劾之事。○徵孔克衷爲翰林修撰。

完表、溫州平陽人孔子五十五代孫
世傳學爲行、前元至正戊子進士、

黜丞相汪廣洋

○詔天下鄉貢舉人罷會試開文華堂於禁中、命選舉人
年少質美者肄業其中、河南解額內選張唯等四名、山東
解額內選王璉等五名、并各省共十七名、上召見便殿、
親命題賦詩、稱旨、皆擢翰林院編修、命入堂中讀書、詔儒
臣宋濂、桂彥良分教之、命光祿日給饌、每食與皇太子
親王迭爲之主、唯等侍食左右、冬夏賜衣、時賜白金鞍馬、
寵錫甚厚、又選成均之秀入武英堂、俾練習政事、蔣學士
徵彭通、宋善、王惟吉等皆拜給事中、○桂彥良爲太子正

以正心
至真帝王
之要道

良藥

聖祖深加
特賞良藥
于其相何
舍之四用
新明

字入侍夫本堂。上嘗從容諮以治道。彥良對曰：道在正心。心不正，則好惡頗好惡，頗則賞罰差。賞罰差，則太平未
有期也。是以君人者，將忿慾是務去時。上懲元氏以寬
縱失天下，立法甚嚴，臣民有犯，必誅，無輕貸者。蓋即周禮
所謂刑亂國，用重典之意。上謂彥良曰：法數行而數犯，
奈何？對曰：用德則逸，用法則勞。法以靖民，則民勞而弗靖。
德以靖民，則民靖於德矣。它日彥良侍。上曰：卿何官？曰：
正字。上曰：卿帝者師也。又一日，謂彥良曰：江南大儒，惟
卿一人。對曰：臣不敢當。宋濂劉基。上曰：濂文人耳，基峻
隘，不如卿也。○令沿海軍衛添造多櫓快船，命將領之以。

乃人為之
已之嫌
江訓詩詳
達之所見
事矣

民老須養
之以宜無
傷宜鎮之
以厚

如雲無成

儲倭誓。○上謂儒臣詹同曰。朕思聲色乃伐性之斧斤。其
為害甚于鴆毒。前代人君以此敗亡者不少。苟不知遠之。
則小人乘間。納其淫邪。不為迷惑者幾人。况創業垂統之
君。為子孫所承式。尤不可以不謹。同對曰。陛下此言。乃端
本澄源之道。誠萬世子孫之法也。○二月。改羣牧監為太
僕寺。○陞蘇州知府魏觀為四川行省參政。上以蘇州
大郡。難其代命。觀復知蘇州。觀深懲陳寧苛酷。一以寬解。
為政明教化。正風俗。郡中翕然。○會計在京官吏俸給。及
各衛軍士月糧。月支米二十五萬五千六百六十石。有差。
○命宋濂等類編歷代帝王事跡。名曰昭鑒錄。以示諸王。

舉訪求
之令屬下
我聖祖
與以賢才
爲性命者

○詔暫停科舉。令有司察舉賢才。德行為本文。藝次之。○
大軍出鴈門。傳友德爲前鋒。虜絕塞遁。追獲故平章李璪。
帖木兒。

四月命吏部訪求賢才於天下。諭之曰。世有賢才。國之寶
也。古之聖王。恒汲汲於求賢。若高宗之於傳說。文王之於
呂尚。二君者。豈其智之不足也。而遑遑於版築鼓刀之徒。
蓋賢才不備。不足以爲治。鴻鵠之能遠舉者。爲其有羽翼
也。蛟龍之能騰躍者。爲其有鱗鬣也。人君之能致治者。爲
其有賢人而爲之輔也。今山林之士。豈無德行文藝之足
稱者。宜令有司采舉。備禮遣送至京。朕將任用之。以圖至

治。○奪誠意伯劉基祿。先是基言溫處之間有地曰談洋
僻險民多負販私鹽萃逋逃爲梗宜設巡檢司蒞之基又
言郡縣豪猾吏富治使其子璉奏上二事皆不先關白中
書時胡惟庸行丞相事恨之適有旨逮豪猾吏惟庸乃使
刑部尚書吳雲怵吏誣基善相地以談洋有王氣欲圖爲
墓地民弗與則建立司之策以逐其家遂爲成案以奏

上下之有司惟庸請加重辟又欲逮子璉獄

上皆不聽

惟奪其祿而已基入朝謝恩居京師不敢歸○以臨江侯

陳德總諸軍出塞外敗虜兵于二岔擒偽副樞失刺罕等

七十餘人師還駐陝西秋師再出戰於剌河敗其衆新

首六百緡。擒偽金樞忻都等。並十四人。○太僕寺丞梁楚
偃帖木兒言。黃河迤北。寧夏所轄境內。及四川西南至船
城東北至灘。相去八百里。土田膏腴。舟楫通行。宜命重將
鎮之。俾招集流亡。務農屯田。什一取稅。兼行中鹽之法。可
使軍民足食。從之。○命天下州郡。繪山川險易圖以進。○
淮安侯華雲龍鎮守北平。遣使言。塞上諸關。東自永平。薊
州。密雲。西至五灰嶺。外隘口。通一百二十一處。相去約二
千二百里。其王平口。至官坐嶺口。關隘有九。約去五百餘
里。俱繁擾衝要之地。並宜設兵守之。若紫荊關及蘆花山
嶺。尤爲要路。宜設千戶所守禦之。

五月祖訓錄成。其目十有三。曰箴戒。曰持守。曰嚴祭祀。曰謹出入。曰慎國政。曰禮儀。曰法律。曰內令。曰內官。曰職制。曰兵衛。曰營繕。曰供用。上自爲序。仍命宋濂序之。○以河南府學訓導開濟爲國子助教。○詔定公侯以下家廟禮儀。

七月以左丞胡惟庸爲右丞相。中書陳寧爲御史大夫。○真臘國王忽兒那遣使來朝貢。○命宋濂搜萃歷代奸臣之蹟。編爲辨奸錄。分賜太子諸王。

八月命詹同宋濂等纂修大明日曆。○詔西番土番各推酋長。舉故有官職者。至京授職。賜印俾因俗爲治。以嚴元

攝帝師喃加巴藏卡爲熾盛佛寶國師分設爲恩藏基桑
衛二都指揮使司自指揮宣慰招討等司及萬戶府千戶
所凡三十三處以官其酋長自是番僧有封爲灌頂國師
及贊善王闡化王正覺大乘法王如來大寶法王者俱賜
金章誥命領其人民間歲朝貢○翰林承旨詹同侍講學
士樂韶鳳等上所制釋奠先師孔子樂章禮書牛諒復以
所定禮儀進皆從之○丁丑遣御史大夫陳寧釋奠先師
孔子時胡惟庸劉基馮冕等不陪祭而受胙上聞之曰
基等學聖人之道而不陪祀使弗學者何以勸旣不預祭
不當享胙命停基冕俸各一月寧坐不舉亦停俸半月自

建寧王廟

是不預祭者。不頒昨。○建歷代帝王廟于京師。

其制正殿五間。以爲五室。中一室居三皇。東一室居五帝。西一室居夏禹。商湯。周文王。又東一室居周武王。漢武帝。唐太宗。又西一室居漢高祖。唐高祖。宋太祖。元世祖。

遣使賁勅諭徐達等曰。卿等與朕平定天下。勛業已成。而瑣瑣殘胡。不能盡討。致連年出師。勞民擾衆。孰任其咎。昔田單攻狄。久之不下。問計於魯仲連。仲連曰。將軍在即墨時。飲食起居。與士卒同甘苦。身先士卒。所以致勝。今將軍東有夏邑之奉。西有淄上之娛。黃金橫帶。馳騁乎淄澠之間。有生之樂。無死之心。所以不勝也。卿等皆起布衣。一旦至此。遂忘昔日之艱難。豈不犯仲連之誨乎。卿等宜益憂。

其功以副朕懷。

九月賜臨濠造作軍士衣米。諭中書省臣曰：愛人者常體其心，愛人者每惜其力。朕嘗親軍旅，備知疾苦。凡有興作，未免資軍民之力。土木之功亦甚難集。朕進一膳，卽思天下軍民之饑服一衣，卽思天下軍民之寒。臨濠造作之士，宜加給米五斗，衣一襲，庶不致饑寒也。○詔禁四六文辭。先是，上命儒臣擇唐宋名儒表箋，可爲法者，遂以韓愈賀雨表、柳宗元代柳公綽謝表進。上命中書省臣錄二表頒爲天下式。諭羣臣曰：唐虞三代典謨訓誥之辭，質寔不華，誠可爲千萬世法。漢魏之間，猶爲近古。晉宋間文

體日衰。駢儷綺美。而古法蕩然矣。唐宋名儒輩出。雖欲廢之。而卒未能。近時若詔誥章表之類。仍蹈舊習。朕嘗厭其彫琢。殊異古體。且使事定爲浮文。所蔽其自。今凡誥諭。下之離。務從簡古。以革弊習。爾中書省宜播告中外。臣民凡表箋奏疏。毋用四六對偶。悉從典雅。

國初凡在外司府州衛等衙門所進表箋皆令學官爲之。當時以聲音字樣犯嫌諱而被誅者甚多。後來遂令翰林撰爲定式。如聖節冬至正旦賀表之類。臨時惟書牋以進而已。其他如謝除官謝頒賜表之類。一切裁去。至今便之。

詔翰林修撰孔克表御史中丞劉基秦府紀善林溫以經言注釋羣經時上留心經籍以爲經之不明傳注害之

傳注之害在乎辭繁而旨滯乃詔亮表等取群經要言
為若干類以恒言釋之使人皆得通其說而盡聖賢意
意又慮諸儒臣未達注釋之義親製論語解二章以賜
取則而為之克表等承詔釋四書五經以上賜名曰羣經
類要

天順目錄云、高廟看書議論英發不製故常每朝未
文公集註嘗呼為宋家迂闊老儒因講論夷狄之有禮
不如諸夏之無也辨曰夷狄禽獸也無仁義禮智之道
孔子蓋謂中國雖無君長人亦知有禮義勝於夷狄之
有君長者宋儒乃謂中國之人不如夷狄豈不謬哉又
講攻乎異端斯害也已辨曰攻是攻城之攻已止也孔
子之意蓋謂攻去異端則邪說之害止而正道可行也
宋儒乃以攻為專治之而欲精之為害也甚豈不謬哉
聖祖說經簡
易明白如此

定大明律

鑄大和鐘成。○十月涼州虜爲邊患，都指揮宋晟率兵討之，追至亦集乃，斬其渠帥也連兒，擒斬部落甚衆，又招降僞國公吳把都等萬八十人。○李文忠將兵出朔州，擒元太尉伯顏不花。○命刑部尚書劉惟謙及宋濂等更定大明律。先是，上念律令尚有輕重失宜，命儒臣同刑官議唐律，日寫二十條取進止，可者從之。其或輕重失中，則親爲損益，務求至當。未幾律成。

大和在君
臣之間

十一月吏部尚書詹同、御史中丞劉基侍。上燕于龍濟宮之便閣，同醉而還。史館時舉人黃景在館校對日曆，同賦詩贈之，少選奉御傳宣召同等赴右順門會。上適在

步聲而至。同餘醒猶未解。上謂同曰。卿醉未醒。同對曰。臣雖醉。猶能賦詩贈黃秀才。上曰。詩何在。對曰。在東館中。上顧謂宋濂宜急取之。濂取以進。上笑謂濂曰。朕卽和同詩。卿等爲朕書之。濂書訖。乃以賜杲。○潞州貢人參。上曰。朕聞人參得之甚艱。豈不勞民。今後不必進。如用。當遣人自取。因謂省臣。往年金華進香米。朕命止之。遂于苑中種田數十畝。每耘耔割穫之時。親往觀之。足以自適。及計所入。亦足供用。朕飲酒不多。太原進葡萄酒。自今亦令其勿進。國家以養民爲務。豈以口腹累人哉。嘗聞宋太祖家法。子孫不得于遠方取珍物。甚得貽謀之道也。

以發民命
昭廷妙

十二月故元雲南梁王殺我使臣王祿吳雲等。先是祿奉
詔至雲南。諭梁王君臣曰。皇上聰明神聖。隆啓大業。作
君萬邦。皆天命人心之所歸。惟爾僻在西南。久阻聲教。故
遣使諭意。今能祇若明命。亟奉版圖。歸職方。則尺地一民。
安堵如故。高爵厚祿。身名俱全。奈何欲以一隅爲中國抗
哉。不聽。數日。又諭曰。朝廷以雲南百萬生聚。不欲殲于鋒
刃。故命予遠來。爾不聞元綱解紐。諸雄割據。天兵一下。征
悉膏鈇鉞。惟爾元君北走以死。橫廓幅木兒之屬。或降或
竄。當是時。先服者賞。後者戮。及宗嗣。乃今自料勇悍強盛。
孰愈陳張。土地甲兵。孰愈中國。度德量義。孰愈天朝。雖若

固存孰愈天命天之所廢誰能興之不然皇上命
龍驤百萬會戰於昆池爾如魚游釜中其亡可待梁君臣
駭服已有降意改館厚待會故元太子自立沙漠遣使脫
脫徵糧雲南且欲連兵拒我脫脫規知梁主有二心因以
危言迫梁王殺我使以固其意裨知不免謂梁王曰汝朝
殺我大兵夕至矣與副使吳雲俱被害

按王子充有濟世之才不獨文名而已使柄政事業
當有可觀不幸厄于雲南弗獲展其志君子惜之

時崇尚釋老徒衆日盛上惡其惑世蠹民乃令郡縣止
存寺觀一所併其徒處之女子非四十以上者不得爲尼
著爲令

樓在金川
門獅子山

習兵于勞
舒民之力
無如屯練
一策

甲寅 洪武七年

正月春閱江樓成。上親爲之記。○上謂都督僉事
等曰。兵鎮北邊最重。今皆坐食民租。將不知教。兵不
猝欲用之。豈能濟事。况農夫百養戰士一。若徒疲民
供閒卒。非長策也。古人有以兵屯田者。無事則耕。有
戰。兵得所養。而民力不勞。此長治久安之道。然必委
人。庶不廢事。今命王簡往彰德。主誠往濟寧。李伯昇
定統理軍政。凡鎮守屯田訓練之務。爾各專之。○定
國中所居。前殿曰承運。中曰圓殿。後曰存心。四城門
端禮。北曰廣智。東曰體仁。西曰遵儀。上曰使諸王

名思義斯足以藩屏帝室永膺多福矣

二月命有司修治闕里先師孔子廟宇祭器法服其
荒蕪者悉蠲其稅仍設孔顏孟三氏子孫教授訓其地
○廣西行省中書省左丞方國珍卒

三月以兵部尚書劉仁刑部主事鄭九成爲廣東行
政陞辭上諭以恩威兼濟之道仁等頓首受命○蘭
八里麻民郭買的反詔立賞格購捕之蘭州衛遣其
沙與其弟火石往招之郭買的不從著沙火石夜斬一
以歸衛以其事聞請賞之上曰買罪固當死然爲
弟者告之不從執之而已乎自刃之有乖天倫若賞之

聖祖景因
其意以開
之

府在鳳陽
山之陽故
湯此名
聖祖為國
宋大本

禮盡千古
情與狗松
陳誤

所以令天下也。但以其所獲牛馬給之。○以呂熙為吏部尚書。

四月 上巡幸中都。改中立府為鳳陽府。徙府治于新城。○置鍊冶凡一十三所。每所置大使副使各一員。

五月禮部尚書牛諒上進膳禮。奏云。古禮。凡大祀。齋三日。而宰犢牛為膳。以助精神。上曰。太牢非常用。致齋三日。而供三犢。所費太侈。徒增傷物之心。何益事神之道。諒曰。周禮是古人所定。非過侈也。上曰。周官之法。不行後世多矣。惟自奉者。乃欲法古。可哉。

按李本讀禮疑圖序略曰。周禮語言繁雜。事體瑣屑。難皆功利之辭。夫失寬仁之體。浸淫其說。將壞人心。孟子

八明日曆

至明寶訓

孫生乎劉宋而周室在野祿之制已去其精遺漢書其書始出諸儒競排之不曰齊亂不經之書則曰宋書除謀之書惟劉歆鄭玄以為周公致太平之跡在宋書獨深信之或又謂周公晚年作此或宋及改以為宋之書夫盡信書則不如無書孟子於書且然矣况周乎要之不富盡信也我聖祖以理斷之其真卓然于

唐同宋謙等纂修大明日曆成凡一百卷又擇言行之大者為皇明寶訓五卷○賜翰林承旨詹同致仕

按同徽之新安人為元郴州學正遇亂家黃州陳友諒以為翰林學士承旨及王師下武昌因見上校國子博士歷遷學士承旨兼吏部尚書至是命致仕

六月立皇陵祠祭署以汪文為署令劉英為署丞專典祀事二人上故里人也俾子孫世守之

本有香汛
秋汛防

七月西番獻葡萄酒却之。○李文忠督兵攻大寧高州大石崖克之斬故元宗王朶朶失里擒承旨百家奴。○八月師至豐州擒胡官十二人部衆百餘人馬駝牛羊以萬計。魯王敗走追斬之獲其妃蒙哥及其金印并斬其司徒答俊海平章都知院忽都等。○海上倭寇有警命靖海侯吳禎率沿海各衛兵出捕至琉球大洋獲倭寇人船俘送京師。○鎮守北平淮安侯華雲龍有過人上書言之。上命都督何文輝代之雲龍回京卒葬以侯禮。

九月成穆孫貴妃薨詔禮官翰林考定禮儀皆云父在爲母服期年若庶母則無服。上以爲禮近人情命諸儒

子天
太清之
行
卷之
卷之
卷之

備考諸書以報于是。上親定制。子爲父母。庶子爲其母。
皆斬衰三年。嫡子衆子爲庶母。皆齊衰杖期。五服亦稍有
升降。編輯成書。使內外遵守。名曰孝慈錄。上自序之。○
上御武樓。宋濂侍。上咨訪天下宿學之士。濂對曰。會稽郭
傳。雖寄跡釋氏。誠一代奇才也。上頷之。未幾復召濂曰。
郭傳之文。卿可持至乎。濂以其文進。上覽之曰。誠如卿
言。既召見。俾日侍左右。以備顧問。傳精白一心。凡可以獻
替者。咸無隱情。擢爲翰林應舉。陞起居注。遷考功丞。○中
書平章政事李思齊卒。○遣崇禮候買的里八剌北還。命
宦者咸禮表上花帖木兒送之。辭行。上諭之曰。爾本元

北等事在
前代多以
為擬虎遺
患聖祖
斷然行之
而不疑者
真以天命
在我宜以
希冀與天
下為心乎
豈僅待士
國有禮而
已哉

自當日張
身託之乃
是

君子孫國亡就俘。曩欲卽遣爾歸。以爾年幼。今既長成。故特遣歸。見爾父母親戚。以全骨肉之愛。又諭二宦者。此爾君之嗣。不幸至此。長途跋涉。爾善視之。因致書愛猷識理達臘。諭以順天保祀之理。使自裁審。○先是上以祭祀還宮。宜用樂舞前導。命翰林儒臣撰樂章。以致敬慎鑒戒之意。諭之曰。古人詩歌辭曲。皆寓諷諫之意。後世樂章。惟聞頌美。無復古意。夫嘗聞諷諫。則使人惕然有警。若頌美之辭。使人聞之。意怠而自恃之心生。蓋自恃者。日驕自警者。日強。朕意如此。卿等今撰述。毋有所避。至是上所撰神降祥神。祝醕酒色。荒禽荒諸曲。凡三十九章。曰。同鑒樂歌。其

辭皆存規諫。其舞分爲八隊。隊皆八人。禮官圖其制以上。命樂工肄習之。

十月皇長孫雄英生。○封燕帖木兒爲定王。

按安定與瓜沙赤斤蒙古勦先海等處古墩煌地而沙州爲要其州有王門東倚三危北望蒲昌去哈密土魯番尚八百餘里至是遣使貢鎧甲刀劍賜金綺四疋仍詔其酋長立爲四部各賜一印曰阿端阿真苦先帖里。

命徙江南民十四萬以實鳳陽以李善長同列侯吳良周德興等監督之。命官給牛種開墾荒田永爲已業。

十一月其露降于鍾山劉基作頌以獻。

按洪武四年十月其露降于鍾山五年十一月又降今年春仍降如初。帝德動天顧祥屢見。

詔曰。曩因天下大亂。死者不可勝紀。生者備歷艱辛。已有
年矣。朕起布衣。削羣雄。定禍亂。收元洪武。今紀七年。但才
疎德薄。日夕慮上帝有責。思之再三。惟兵後苦殃者。朕失
撫養存恤。蓋軍士為朕開拓疆宇。奮不顧身。沒于戰場。屍
不至家。魂無所依。父母年高。妻寡子幼。一旦成棄。至今不
能存活。此朕之過也。民間經兵避難。父南子北。至今不能
會聚。失奉養者有之。亦朕過也。興言及此。實可憫傷。今詔
天下有司。各令具名。以聞。朕當會居存養。使不失所。

莊謂此詔。即大禹飢溺由己之心。即文王發政施仁之
心。即一大不獲時子之事之心。歷考三代而降。人君子
有如此我者。未

官功臣庶子。諸曰古者爵有功官有德則爵分五等其於世食祿者必宗子承之庶子則庶人也朕於洪武三年定功行賞法前王之制今已數年暇中秉鑑窺形貌已蒼顏皓首矣靜思曩者髮烏氣壯當羣雄撥攘之秋披堅宵晝提三尺之鋒鏖帥大軍而四出其野宿風餐與諸功臣立命於白刃之秒鏖戰于猛士叢中其患難之苦朕備知之且朕有天下以此推思與諸功臣共之諸子皆封王爵立國方隅惟功臣庶子無所活者有之所以朕為諸臣庶子慮恐後無依故敕中書都府皆爵以流官倘後有能捍大患而禦奸僞則功入世襲不在流官數內或內有不恭而怠事者則律如曩章以上

國初知縣
許上封事

諭中書省臣曰太陰犯軒轅占云大臣黜免爾中書宜告
各省衛官知之凡公務有乖政體者宜速改以求自安
十二月御注道德經成上以老子所謂五色令人目盲
五音令人耳聾與聖人去甚去奢去泰之類有裨於養生
治國之道特親注之○靖海侯吳禎奉旨往浙東收籍方
氏台溫明三郡故兵三郡無賴扶私逞怨蔓引平民富室
瀕海大擾寧海知縣王士弘曰吾寧獲歿罪不可誣良民
爲兵卽上封事辭甚懇切上卽詔罷之三郡之民賴以
安士弘潞州人擢南雄府通判卒于官三郡之民悲思之
○使刑部侍郎李治通事梁子名琉球市馬

乙卯 洪武八年

洪武政記

今日生與
不河難
即存故已
不龍同
漢漢子

正月各省郡縣入朝濟寧知府方克勤有善政錫宴儀曹
○洪武政記成學士宋濂以上所行關於政要者編集成書
○命中書省行天下郡縣訪窮民無告者月給以衣糧
無所依者給以屋舍仍諭之曰天下一家民猶一體有不獲其所者當思所以安養之昔吾在民間目擊其苦鰥寡孤獨饑寒困踣之徒常自厭生恨不即死如此者宛轉於溝壑可坐而待也吾亂離遇此心常惻然故躬提師旅誓清四海以同吾一家之安今代天理物已十餘年若天下之民有流離失所者非惟昧朕之初志於代天之工亦

不能盡也。爾等爲我輔相。當體朕懷。不可使有一夫之不獲也。

資治通鑑

車馬政

二月以外夷山川附祭于各省山川之次。○御製資治通鑑成書凡十四章。其一君道章。凡十有八事。其次臣道章。凡十有七事。及其次曰民用。士用。工用。商用等。十一章。皆申戒士庶之意。詔刊行之。○命刑部尚書劉惟謙申明馬政諭之曰。馬政國之所重。近命設太僕寺。俾畿甸之民。養馬。恐所司牧養失宜。或擾害養馬之民。皆當告戒之。昔漢初一馬值百金。天子不能及均駟。及武帝時。衆庶街巷有馬。阡陌成羣。遂能北伐彊胡。威服戎狄。唐初纔得隋馬三

馬政今日
竊深極矣
要得盡心
之官修舉
此誠耶寬
之法嘆

國初重太
學如此

千。及張萬福爲太僕至七十餘萬。此非官得其人。馬政饒
舉故耶爾其爲朕申明馬政。嚴督有司。盡心芻牧。務底蕃
息。有不如令者。即罪之。

三月命御史臺選國子生分教北方。諭之曰。致治在乎善
俗。善俗本乎教化。教化行。雖閭閻可使爲君子。教化廢。雖
中材或墜爲小人。近北方喪亂之餘。人鮮知學。欲求多聞
之士。甚不易得。今太學諸生中。年長學優者。卿宜選取。俾
往北方各郡分教。庶使人知務學。人材可興。于是選國子
生林伯雲等三百六十六人。給廩食。賜衣服。而遣之。○時
上以爲天下旣已安輯。而化民善俗之道。猶有未備。乃下

詔郡縣凡閭里皆啓塾立師守令以時程督之于是雖窮鄉僻壤莫不有學。

臣建曰天生蒸民立之司牧惟教與養二者爲急比事以觀自三代而降教養兼備有如我聖祖者乎

今此法不

勞奸民復盜鑄上以宋有交會法元時亦嘗造交鈔及

中統至元寶鈔易于流轉可以去鼓鑄之害遂詔中書省

造之○命有司立張巡許遠廟于歸德州歲時致祭○洪

洪武正韻

武正韻成上以江左舊韻多失正音命學士樂韶鳳與

洪武正韻

諸廷臣以中原雅音校正之○中戒有司給由赴京必書

洪武正韻

農桑學校之績有不如制者罪之○德慶侯廖永忠坐累

卒

按功臣本傳曰永忠以豪傑茂異之才就視鷹犬之勇濟之以計謀宏遠之略而成此光大奇偉之勳觀其與友蒯於鄆陽繫士誠於與會服固珍而猶友定靖而蒯而轉胡昇降王被囚於指顧之間斬將奉與于謀夫之頃收聲定價豈直開附之元帥雖千古之名將不足過也永忠論功當封公太祖謂其使所善儲生親朕意止封為侯而終復獲譴以沒

豈其所以居功者未盡善與

四月誠意伯劉基卒初

上欲相胡惟庸基謂不可既而

上竟相之基大感曰其如蒼生何因憂憤舊疾愈增時惟

庸潛蓄奸謀深惡基乃遣醫來視疾飲其藥二服有物積

腹中如卷石基以白上上亦未之省也自是疾遂篤

上御製文一通遣使送基還家僅一月而卒年六十五基

未卒前數日。以天文書授其子璉。使伺服闋卽進之。且戒之曰。勿令後人習也。復謂次子仲景曰。胡惟庸必敗。我欲奏遺表無益也。日後上必思我待有間。當密爲我奏。其略以爲修德省刑。祈天永命。且爲政寬猛。常如循環耳。○聖主留意。基剛毅慷慨。有大志。每遇天下安危。則義形於色。知無不言。每遇急難。勇氣奮發。計畫立就。外人莫能測其機。天威嚴重。惟基抗言直議。不以利害撓其中。上亦甚禮。基常稱爲老先生而不名。又曰。吾子房也。廷臣或有過失得譴者。基密爲救解而免。又以文章爲當代。雖稱云。所著有郁離子。覆瓿集。寫情集。犁眉公集。○時丞相

此時却惟庸之奸而發之者惟劉青田與吳伯宗耳

胡惟庸專恣以禮部員外郎吳伯宗剛直不屈惡之坐事出之風陽伯宗上疏論時政因指斥吳惟庸罪狀不宜獨任以政恐滋久為國大害上覽其奏即召還○上幸中都次滁州遣官祭滁陽王廟

五月遣內史趙成往河州市馬

初上以西番產馬其所用泉貨與中國異自更錢幣馬至者少乃命成以羅綺綾帛并巴茶往市之仍命河州守將善撫衛以通互市馬稍集率序位服之成又宣諭德意自是番酋感悅山後歸德等州西番諸部落皆以馬來售

陝西按察僉事虞以文言嘗巡按漢中見其民多居深山遷徙無常以避徭役其膏腴水田皆灌莽彌望莫肯下山

開種。蓋因川力勞。而又畝徵其稅。以是不欲下山。今若減其租賦。寬其徭役。使居平野。以漸開墾。則田益闢。而民有恒產矣。詔陝西行省遵行之。

六月諭安南高麗占城等國。三年一來朝貢。若其立則世見。

七月禮部奏五祀之禮。孟春祀司戶。孟夏祀司寇。季夏祀中雷。孟秋祀司門。孟冬祀司井。制可。

八月故元將王保保卒。

按保保自定西之敗。走和林。愛猷識理達剌復在。以後從徒金山之北。至是卒于哈刺那海之衛庭。其妻氏自縊死。蓋亦發之頑民云。

九月詔改建太內宮殿。所有司務從簡。永興作奇珍異
游觀之事。以勞民廢財。

十月。主命皇太子諸王出游中都。以講武事。詔太常卿
善宋濂等從。既行。上閱輿地志。得濂梁古蹟。命內臣馳
驛賜東宮。令濂詢訪。隨處言之。太子至池河。得土所
賜。謂濂曰。臨濂古蹟。唯塗荆二山最著。皆在鍾離縣西八
九十里間。崗巒相屬。淮水繞荆山之陰。神禹鑿之。水始流
二山間。民免修阻之患。昔人所謂觀河洛者。思禹功。真亦
一大觀也。十一月壬寅。太子過中都。乃往游焉。命濂作
記。其諸古跡。濂隨處進說。甚有規益。事畢。遂還京師。○命

長興侯耿炳文濟西安府涇陽縣洪渠堰高陵等五縣大
獲灌溉之利

十一月甘露降于園丘青松之上時上詣齋宮省視壇
塲親觀甘露凝枝懸垂上下有若明珠命採而嘗之其如
飴詔羣臣從行者共採食之儒臣咸獻歌詩以頌德上
曰人之常情好祥惡妖然天道幽微莫測若特祥而不戒
祥未必皆吉觀妖而能懲妖未必皆凶蓋聞災而懼或蒙
見休見瑞而喜或以致咎何則凡人懼則戒心常存喜則
侈心易縱朕德不逮惟圖修省之不暇豈敢以此爲已所
致哉因著甘露論以示羣臣○祭罪人於鳳陽工役竟種

此等人品
古今有幾
安得聖
祖不重之

時下令各處人民襁犯死罪者免死工役終身徒流者
照年限工役其官吏受贓及犯罪當罷職者發鳳陽屯
種犯流罪者鳳陽工役一年然後屯種

詔江陰侯吳良監鑄大鐘于鳳陽○上欲命宋濂參中書
大政濂辭曰臣無他長惟文學是攻今待罪禁林恩莫大
矣臣誠不願居要樞上愈厚之每日令侍膳詢訪舊章
講求治道

十二月故元太尉納哈出入寇遼東都指揮馬雲葉旺擊
敗之遁去

時納哈出來寇云旺偵知其將至命蓋州衛指揮吳立
等嚴兵城守虜至堅壁勿與戰納哈出至見城中有備
徑趨全州城池未完軍士寡少指揮王富督勵士卒分
守諸門選精銳登城以禦之納哈出裨將乃刺吾自恃

號勇率數百騎挑戰城上發箭中之被傷悶絕遂獲之
虜勢大沮納哈出慮援至引兵退走不敢經荅州乃由
城南十里外從作河遁歸集旺覺之先移兵作河自連
雲島至窟駝塞千餘里沿河壘小爲城以水淋之經宿
皆凝結隱然如城藏食飯於沙里設陷馬奔於平地伏
兵待之命老弱捲旗登兩山間諭以開砲即堅旗令指
揮周鄂等各肅兵以俟虜兵見寂無人形抄過城南砲
發伏兵四起兩山旌旗蔽空鼓聲震動矢石雨下虜駭
倉皇北奔趨連雲島遇水城馬不能前皆陷入奔中遂
大潰馬雲復於城中出兵追擊至將軍山畢栗河新渡
虜人馬及凍死者甚衆旺等乘勝追至猪兒峪獲其士
馬無算納哈出僅以身免捷聞上遣使齎勅褒勞建康
諸將擢馬雲葉旺都督僉事

陝州太獻天書斬之○召致仕禮部尚書陶凱爲國子監祭酒

丙辰

洪武九年

正月遣官祭功臣。于鵠、龍山、願以指揮食。事。余。擒。等。有。二。十一人。祔。

二月定諸王公主歲供之數。○太安州民於蒿里得玉匣。內有玉簡十六。獻諸朝。驗其刻。乃宋真宗祀大山后吐文。有。多。少。事。妙。妙。上命仍瘞其地。

三月詔免河南北平山西陝西浙江江西福建湖廣等省。安慶揚州徽州池州等郡。今年稅糧。○命中山侯湯和。穎川侯傅友德等帥師往延安備元逋。臣伯顏帖木兒入寇。和等至延安。伯顏帖木兒請和。上命諸將悉還。獨留傅友德屯兵以備之。未幾伯顏帖木兒果犯邊。友德設伏大。

外國凡中
及統緒未
有不逮漢
珍重而所
好反在磁
鐵險針之
風良可向
也

破之獲士馬輜重無算○李浩還自琉球國王察度遣弟
泰期上表謝恩貢方物浩因言其國俗市易不貴統緒但
貴磁器鐵釜自是賜予及市馬多川是物○陞彭州知州
胡子祺為延平知府

子祺初擢御史上書請都陽中其略曰天下形勢之地
可都者四河東地勢高厚控制西北堯嘗都之然其地
苦寒江淮士卒不便汴梁襟帶河淮宋嘗都之然其地
平曠無險可守洛陽周公嘗卜之周漢嘗遷之然其地
諸山非有殺函終南之固瀝澗伊洛非有涇渭灇澧之
雄故惟關中據百二山河之勝可用以建都者莫此若
也○上覽奏稱善尋陞廣西按察僉事子祺克舉憲典
多平冤獄聞元祐黨人碑尚在融州嚴谷中出而碎之
改知彭州觀元末兵荒野多暴骨成為聚葬州有沿江
諸堰築自秦時歷代皆用鐵石修築春夏水溢旋復衝
決子祺代以竹木民甚便之在
延平多善政驗年以疾卒于官

聖不自聖
千古同符

機變其事
有學有識
有守人老
也哉

上諭侍臣曰昔大禹以五聲聽治曰教我以道者擊鼓以
義者擊鐘以事者擊鐃以憂者擊磬以獄者撻鞀為聖人
也虛已求言如此之切朕屢敕廷臣直言無諛至今少有
啓沃朕心者侍臣對曰陛下無缺失可言者上曰朕日
總萬幾安能事事盡善所望左右盡忠補過如卿所言非
朕所望也侍臣頓首謝○召岐寧衛經歷熊鼎還京師鼎
行次中途西戎朶兒只班劫殺之

鼎臨川人陳友諒強之止不從王師駐南昌召為中書
博士編集經史事類拜起居注凡郊祀禮樂官制法律
及賜外夷言詔問皆與議歷陞山東按察副使既而為
晉王傅以不能弭元西大王出沒謫改岐寧知西戎徂
還被害上悼惜之立祠致祭

山西汾州平遠縣主簿成樂考績州上其考曰能恢辦商稅吏部以聞上曰地之所產有數官之所取有制若曰恢辦是額外剝削主簿之職在佐理縣政撫安百姓豈以恢辦爲能州之考非是爾吏部其移文訊之。

易言損下益上謂損損上益下謂益自非達于此者無不以損爲益矣夫商逐末稅之猶恐其過矧四民之衆惟農最苦可以重斂爲哉。

六月以宋濂爲學士承旨召其子璉爲中書舍人孫慎爲儀禮司序班濂艱於步選良馬賜之上親作歌召羣臣咸和贈以示寵濂素寡飲嘗侍宴上強之至三觴面如赭行不成步上歡笑親御翰墨賦楚辭一章以賜仍命

侍臣咸賦醉學士歌曰俾後世知朕君臣同樂諾此

恭聞御製文集諸文有曰爾濂雖博通古今惜乎時事無爲每事牽制弗次若使檢閱則有餘用之於施行則甚有不足然方今儒者以文如卿者甚多朕念卿相從久矣持授卿翰林學士承旨爾宜懋哉聖語如此蓋不以所短棄所長也

欽天監奏五星素度日月相尅下詔求言于是山東布政使吳印海州學正魯秉正監察御史孫化刑部主事茹大

素等皆應詔上言上擇其可行者施行之

按吳印鍾山玉僧也有文學上親選命蓋髮拜宮徑授方面寬之甚厚所言多從

時又有山西平遙訓導葉居升言三事尤切直

按居升字伯臣浙之寧海人聞詔謂人曰今天下有三事其二事易見而爲患小其一事難見而爲患大即爲

書以上其畧曰分封太侈也。末治大急也。用刑太繁也。今四方已平矣。民庶思治矣。而不務以寬大御之。視誅殺。人如滅螻蟻。使民不獲安息。欲以剛治難矣。咎徒流。死。今之五刑也。用此五刑。既無假貸。一出乎大公至正。可也。而用刑之際。多出聖衷。致使治獄之吏。務從深刻。以趨上意。深刻者。多獲功。平允者。多得罪。或以賊罪多寡。為殿最。欲求治獄平允。豈易得哉。古之為士者。以登仕版。為榮。以罷職。不選為辱。今之為士者。以聞為福。以受玷為不錄。為幸。以屯田工役。為必獲之罪。以鞭笞。撻楚。為尋常之辱。其始也。朝廷取天下之士。網羅摛擿。務無遺逸。有司催迫上道。如捕軍囚。比到京師。而除官。多以貌選。故所學或非其所用。而所用或非所學。泊乎居官。一跌于法。則必屯田工役之科。所謂取之盡。錮之。用之如泥沙。夫國治於亂世之餘。猶理絲千棼亂之後。緩之則端緒可得。欲速則膠結而不可理。今病民之不安。奸邪之不正。事久異令。賞罰不准。君勞於上。臣困於下。治烏所致乎。此二者。人皆知其不可。然非補船之根也。所謂分封太侈者。天子畿內。地止千里。而秦晉。荆楚。踰千里之國。以封年少未達事之王。無事則易。有事則為藩籬。此人所未知。而臣所謂為患難見者。

也書奏上怒其疎問我骨
肉逮繫刑曹問狀病死獄中

御史大夫汪廣洋陳寧奏附馬都尉李祺父子孤恩失禮
欠失問候朝參上宥之

祺李韓公長子也尚
皇長女薛安公主

八月丙申躬祀歷代帝王遣官視歷代帝王陵寢命百步
內禁人樵牧設陵戶一人守之三年一遣使致祭○改各
省中書省爲承宣布政使司○將征雲南命潁川侯傅友
德巡行川蜀永寧雅播等處修治城池開梁於是金筑普
定中岬乾溪等寨酋長皆相率來降

九月中書省言福建叅政魏鑑瞿莊皆死奸吏上賜璽

源燭情弊
相關之處

書勞之曰。朕觀自古天下之治亂。在于君臣能馭不能馭。爾若君能馭臣以禮。臣能馭吏以法。則治。君不能馭臣。臣無以馭吏。則亂。或云胥吏下人。何預治亂。是大不然。吏詐則蠹政。政蠹則民病。朕嘗著令。凡吏卒違法。繩之以死。此令行之已久。奈何貪官動爲下人所持。任其縱橫。莫敢誰何。以致民多受害。今丞相奏福建兩叅政。置奸吏於極刑。所謂惟仁人能惡人也。斯民庶幾有賴矣。故特往諭之。爾尚慎終如始。乃能其官。

閏九月罷弘文館

十月清寧知府方克勤卒。

按克勤字去矜，台州寧海侯城里人。弱冠，領鄉薦。嘉慶中，
闕遺書至，正間音入第屋，言國家利害，無所顧忌。有司
不敢取，遂入山不出。值我明歷仕清寧，多善政。嘗
知縣，程貢以不職被笞，誣奏克勤用苦。倉虛，革下御史。
楊通廉密通，乃貢之故人。如其奏，遂逮克勤。至京師，
次子孝孺願以身死，而克勤卒。年僅五十，君子惜之。

詔改建太廟，從同堂異室之制。國初立四親廟，德祖玄

皇帝廟居中，懿宗居東第一廟，熙宗居西第一廟。

淳宗居東第二廟。至是始定此制。前爲正殿，後爲寢殿。九

間以一間爲一室，奉安各廟神主。時享歲祫，則設累朝

帝后衣冠於神座而祀之。○吐蕃所部川藏，邀阻烏思藏

使者，掠其輜重，命衛國公鄧愈爲征。西將軍都督沐英爲

副將軍，總兵往討之。○宋濂行既有期，上眷念尤深，曰：

千古珠璣

雖不解將
誰解既親
值此義無
容默被臨
便而不言
又從下石
者何如人
耶

卿去何時復來見朕乎。姑徐徐行。由是朝夕左右者累日。時詔許言事。朝臣有上疏萬餘言者。上厭其迂衍。怒歎罪之。以問羣臣。有阿意者指其疏曰。此不敬。此詆謫。罪當誅。上咎之。而怒未解。濂曰。彼應詔上疏。其心爲上耳。烏可深罪乎。已而。上覽疏中有足采者。召阿意者誦曰。吾怒時。若等不能諫。乃激吾誅之。何異以膏沃火。向非來濂之言。不幾誤罪言者邪。

十二月置寧夏諸衛

皇明從信錄卷六